

8

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

T4661.7/1123

皇明詔制

卷八



CM 0 1 2 3 4 5 6 7 8 9 10 11 12 13 14 15 16 17

Lab D502 95/0/2

81/0/0

66/0/0

51/0/1

35/0/0

20/0/0

29/19/54

55/39/33

42/57/29

82/4/79

51/50/13

50/28/29

38/14/16

66/16/18

50/5/-22

43/-14/21

55/-9/-25

71/-32/0

62/34/60

40/9/-43


52/48/17

31/21/-21

72/-23/57

73/19/68

Harvard College Library Imaging Services <http://imaging.harvard.edu>



皇明詔制卷八

奉

天

皇帝詔曰朕遵

太祖高皇帝敬

天之制恭建

園丘于南郊於今十一月二十二日冬至祇行

大報之禮朕惟人君上奉

皇天而作之子下主億兆而作乎王是以上古聖帝

哈佛大學漢和
圖書館珍藏印

皇明詔書
明王咸克上奉于

天下勤于民者乃以其祇若

天心勤恤黎庶洪惟朕

皇祖高皇帝當夷狄亂華之時稱

皇天之眷求乃挺立紀綱掃氛除垢復建人極重修

五典于是奉

郊

廟

社稷有儀文之可推有憲章之可法用昭假于

神祇

祖考允爲創世之首務萬代不刊之巨範也朕以藩

服仰荷

天命作厥辟于萬方顧其寡昧深懼弗勝茲恭率

祖之攸行用欽

昊穹之眷注上賴

皇天垂鑒

祖考蔭翊以及左右勲輔賢良矢心殫力之所贊成

者也於朕則無一得焉所有寬恤事宜條示于

後

一自嘉靖九年正月初一日以後十一月二十三日以前官吏軍民人等有犯除十惡重罪不赦外其餘已發覺未發覺已結正未結正罪無大小咸赦除之敢有以赦前及限前事相告言并妄引希欲免罪者各以其罪罪之勿使小人反獲其幸有妨

上德

一官吏軍民人等自正德十六年四月二十

二日以後有爲事問發充軍除原係真犯死罪饒死及事于謀反黨逆失機強盜人命并大禮大獄情最重者不赦外其餘放回原衛原籍寧家隨住若有赦前逃回不首原係真犯死罪饒死充軍例該照依原擬處決并原係雜犯死罪以下充軍例該枷號改發極邊衛分者免其處決枷號改發仍各發原充衛所着役

一除有限赦宥罪犯外前後不及開者還着

在內法司會官在外法司差官并錦衣衛
官各一人前去各處會同彼處經該官員
審錄罪囚如果有冤抑經年不得伸者卽
行開具情節作速奏報發落勿得視如故
常

一各處應有該祀

神祇帝王忠臣孝子功利一方者其壇塲廟宇務令
修葺依期齋祀勿褻勿忽

一官職居言路往往未聞利民實語不過
徇私適己嫉人自伐抗上好爭而已朝廷
豈可容納聽受今後務要果裨君之德除
民之患公正之言陳列不許假託賣直畏
忌之意終日緘默以爲君過

一

天之立君本以爲民今天下之廣兆民之衆爲人君
者豈能人人而加之惠哉惟在內外大小
諸司得人任用而已我

祖宗朝雖定科舉歲貢之法猶有薦舉之例竝列三

途自夫科舉之法重而尤以偏用進士爲重而歲貢之法遂輕薦舉之路已盡塞矣夫三途竝用則無偏重而人才有餘由是懷才抱德之士斯得顯於世非特求之文詞之徒而已今舉人無九卿之望歲貢禁方面之陞田野絕保舉之路有一員缺必求進士出身者斯得推補以致人尚浮詞不修實行甚至修於家而壞于天子之庭欲求爲上爲德爲下爲民者卒未易得也

今後着吏禮二部卽便考求

祖宗以來舊典備細開具奏請定奪務要科舉歲貢薦舉三途竝舉但有真才實德者不拘近年資格一體不次擢用庶忠義向風浮薄改行內外大小諸司各得其人以爲惠民致治之本

一親王郡王年七十以上者寫書并賜羊酒幣帛存問鎮輔國而下半年八十以上者有司備米十石絹十疋綿十斤特往存問以

示優老之意祿糧有累年不得者着查處
補給不許稽滯

一宗室犯罪見在高牆并各處郡王將軍中
尉有因事革減祿爵及寘鑄宸濠之變貽
及累有奏辯情果虧枉者所在巡按御史
卽與從公勘明具奏定奪

一軍民之家有年七十以上者許一丁侍養
免其雜泛差役八十以上者仍給絹一疋
綿一斤米一石肉十斤九十以上者倍之

一兩京文職官員未及三年考滿無過者俱
與應得誥敕後不爲例

一各處武職官自嘉靖九年十一月以前有
因公罪納米納料納鈔運石運磚運灰運
炭貧不能完納以致經年不得復職支俸
管事者詔書到日卽與除免

一嘉靖十年秋漕運糧斛四百萬石內除山
東河南照例折銀一十四萬石外其餘本
色并南京各衛倉米一百二十八萬二千

二百二十八石一斗五升七合俱以十分
爲率量准五分每石連席耗正兌米折銀
七錢改兌并南京倉米折銀六錢其內外
倉廩不分邊方腹裏起運存留該徵折銀
者俱照原數每石減銀一錢以蘇民困係
王府祿糧者不減

一各處盜賊多因饑寒失業委係脇從嘯聚
除首惡不赦外詔書到日各該官司通行
出榜曉諭許其率黨投首悉免其罪軍還
原伍民還原籍各存恤一年免其差徭其
有能擒捕首惡并黨內首告者照例給賞
如有因其投首乘機邀執希圖功賞者治
以重罪

一內府各監局銀料及段疋等項小民鋪戶
上納使用耗費比之正數尤多往往託之
攬頭誑騙負累不勝其苦自嘉靖十年爲
始合照戶部事例通行科道部屬官一體
監收禁革宿弊以蘇民困

一在京在外緝獲強盜妖言姦細等項多有貪功圖利及無賴戮番之徒妄拿誣陷冤抑無伸着問刑衙門從公研審果有冤抑卽與辯理不許拘泥成案若干礙妄拿報功人員照例從重究治

一京師三大營及十二團營官軍其椿朋銀兩自嘉靖九年十一月以前拖欠者悉行蠲免仍免徵以後年分朋銀三年以蘇軍困以後仍照舊例徵收

嗚呼

大報旣成庶遂微忱之懇恩澤適布以敷

洪造之仁尚賴忠賢匡朕一人之不逮期臻至治用
光

列祖之休嘉詔告天下俾悉聞知

嘉靖九年十一月二十三日

奉

天承運

皇帝詔曰朕聞承祧主器必在元良繼位嗣服惟宜
傳長故曰君之儲貳是謂今昔咸同朕以支人
仰承

皇天洪眷續嗣

皇祖丕圖卽位于今已訖一紀大婚去後又越十年
每思傳繼之久虛若履薄冰而戰懼上厯

聖母竚望之深下遺臣民引領之至朕心震惕朝夕

匪寧昨歲元輔建策慎選淑女以備妃嬪之御
用廣嗣緒之求朕請于

慈命聞于

祖考卜吉納九氏以用資繁衍之祥助烝嘗之職者
乃於今年八月十九日

皇天降祉

祖宗鑒陰朕第一子生屬麗嬪閻氏出是皆

皇考

聖母鍾祥積慶而衍及孫謀者也茲用播聞中外誕

布寬恤所有開示並宜奉行

一自嘉靖十二年八月二十五日昧爽以前

官吏軍民人等有犯除謀反叛逆子孫謀

殺祖父母父母妻妾殺夫奴婢殺家長殺

一家非死罪三人採生折割人謀殺故殺

蠱毒魘魅毒藥殺人強盜妖言奸黨失機

并事于邊方夷情及人命十惡至死罪者

以及大禮大獄至惡情重不赦外其餘已

發覺未發覺已結正未結正罪無大小咸

赦除之敢有以赦前事相告言者以其罪罪之

一各王宗室屢以貧難奏告情甚不得已各該有司全不與處置輕視朝廷欺辱國姓以致困苦饑寒無門控訴自詔書到日卽便查處補給敢有違慢者許各親王具奏治罪

一各宗室年七十以上者有司各給米十石絹十疋綿十斤庶人年及七十者一體給

米五石絹五疋

一宗室子女有年二十以上未成婚配者各該撫按等官卽便督令該府長史輔導官限三月以裏保送前來以憑禮部覆請

一鳳陽高牆庶人或因祖父數十年前得罪遷發子孫至今淹禁或夫男已故遺下妻妾人等仍未放回者累有詔旨欲行寬釋所司人員視之如故紙通不查議法司備查節年遷發高牆庶人原行卷案分別輕

重等第中間情犯可原拘禁年久及子孫妻妾人等連累淹禁議奏定奪

一宗室有因事革任祿米者俱與照舊關支
一先年江西逆賊宸濠謀逆干連人衆累有旨令與分豁奏請久不奉行自詔書到日卽便查復

一兩京三品以上文官例該廕子未及三年考滿者俱准與廕一子入監讀書

一兩京文官未及三年考滿者并在外七品以上歷任三年果無過者查奏俱與應得誥敕

一武官應得誥敕已經請給年遠未曾撰黃者謄黃官卽與查撰給散

一武職官除失機重情不宥外凡一應干累誑誤及有司官因小忿爭陷虧枉革職者俱許具奏聽與分理

一文官五品以上武官四品以上署職試職者并試職御史俱與實授仍與應得誥敕

一公侯駙馬伯并内外文武官員旗士人等有因事革去罰任祿米俸糧者照舊關支
一官吏軍民人等有爲事問發充軍除原係真犯死罪饒死及事干謀反黨逆失機強盜人命不赦外其餘放回原衛原籍寧家隨住

一兩京文官自四品以上有因事致仕年力未衰才識可用者吏部查訪疏名起用冠帶閒住者與致仕爲民者冠帶閒住

一嘉靖九年十二月以前各處軍民人等拖欠除王府祿糧仍舊催徵外其餘稅糧子粒草束農桑人丁絲綿門攤商稅戶口食鹽米鈔諸色課程鹽課魚課等項除已徵在庫及已經解戶人等收受者詔書到日各撫按官作速分投差官查明截數起解原定衙門交割各造冊奏繳查考其未經收受者盡數蠲免敢有將已徵捏作未徵侵欺盜用者許諸人告首拿問重治嘉靖

十三年稅糧內除漕運糧斛四百萬石外其餘不分起存以十分爲率俱免五分以蘇軍民困苦

一在京各營在外各邊并順天府南北直隸山東河南各處軍衛有司騎操孳牧寄養走遞馬羸驢牛并種馬駒近年以來虧欠倒失被盜等項并有例停候買補者悉與蠲免以蘇久困若有已補在官者照例押發交收該管人員若有通同欺隱作弊者

事發治以重罪

一山東河南南北直隸各該牧馬草場子粒租銀連年災傷以十分爲率自十三年以前各免五分以蘇民困

一軍民有年七十以上者許一丁侍養免其雜泛差役八十以上者與冠帶仍給絹一疋綿二斤米一石肉十斤九十以上倍之

一內外各衙門見監死罪重囚內有情可矜疑曾經奏請未得饒死者復審是實俱免

死發邊衛充軍其見問重囚若有情可矜
 疑及毆傷人延至辜限外身死情真是實
 照例仍擬死罪者強盜賊仗不明人命無
 屍可檢并一應重囚監禁五年之上累次
 稱寃有詞應合辯問者在內三法司在外
 巡按御史公同三司官各會審明白具奏
 定奪

一內外各衙門囚犯該追贓物係還官給主
 銀貨至五十兩以上并入官至一百兩以

上監追一年之外及正犯身死拘禁家屬
 各勘無家產堪以變賣陪納者開具所犯
 情罪奏請定奪其不及前數監追半年之
 外及正犯身死各勘無家產并例該追罰
 馬牛等項悉與宥免查照發落其有正犯
 在逃未獲監禁家屬證佐不係事干叛逆
 劇盜者悉令保候歸結

一在京在外緝獲強盜妖言奸細等項多有
 貪功圖利及無賴戮番之徒妄拿誣陷重

罪累有詔旨禁例多不遵守今後問刑衙門務要從公研審果有冤抑卽與辯理不許拘泥成案若干碍妄拿報功人員照例從重究治

一各處學校廩增生員有親老無人侍養願告侍親者聽親終之日復學其廩膳及曾經科舉年五十以上行止端莊不願進取者許赴該提學官處告明給與冠帶榮身

一兩京各衙門歷事監生及承差各免歷事

辦事三箇月吏典二箇月後不爲例

於戲主鬯得人允副

慈懷之怡慰承家有繼寔昭古我之通情爰法舊章用覃大賚詔告天下咸使悉知

嘉靖十二年八月二十五日

奉

天承運

皇帝詔曰朕惟大婚爲王教之始克謹於初閨門爲
政化之原其終尤慎是以易著家人之訓詩昭
窈窕之稱二女妻于舜乃致風動四方之休一
德配于周而爲關雎二南之美凡有天下者豈
不想慕之未若其時也朕以宗人仰承
明命繼嗣不圖方得紀元之初已舉好逑之典始配
以疾而崩繼立作孽而廢矧歲時相我

皇明言赤
宗祀不可無人而左右承養

慈顏豈宜少后弗正厥名而定位焉能贊治以承乾

乃卜今年正月望之令辰祇聞于

皇天后地請命于

列祖

皇考白于

聖母遣文武重臣持節奉制冊立德嬪方氏爲皇后
贊朕內治統職陰柔率教六宮母儀四國於戲
天施地生大本藉茲而是建乾剛坤順洪基由

此以隆興爰斯申立之禮成用播三辭而遍諭
敷悉臣民咸宜知之

嘉靖十三年正月十八日

嘉靖十五年五月十八日

朕惟稱孝以有後為大著在聖經人生而

望嗣則同王者特重欲宗祀之綿綿須繼承之續續比歲朕荷

奉

天承運

皇帝詔曰朕惟稱孝以有後為大著在聖經人生而

望嗣則同王者特重欲

宗祀之綿綿須繼承之續續比歲朕荷

天錫元祥未久而已由斯

聖母重其懷臣民重其望朕每慮此若臨深淵而用

懼惶茲者是歲孟冬之六日仰戴

皇天降鑒幸惟

皇明詔錄

嘉靖十五年

十九

皇祖慶源朕繼生元嗣乃昭嬪王氏出焉爰循往例
申布恩宜令至所司主者卽行

一自嘉靖十五年十一月初六日昧爽以前
官吏軍民人等有犯除謀反叛逆子孫謀
殺祖父母父母妻妾殺夫奴婢殺家長殺
一家非死罪三人採生折割人謀殺故殺
蠱毒魘魅毒藥殺人強盜妖言奸黨失機
并事該地方夷情及人命十惡至死罪者
及充軍人犯不赦外其餘已發覺未發覺

已結正未結正罪無大小咸赦除之敢有
以赦前事相告言者以其罪罪之

一各王宗室屢以貧難奏告情甚不得已各
該有司全不與處置輕視朝廷欺辱國姓
以致困苦饑寒無門控訴先年曾有詔諭
着令有司查補祿糧通不遵行顯是抗違
自詔書到日卽便查處補給敢有仍前違
慢者許各親王具奏治罪

一各處親郡王如有謹身修行樂善好學孝

親敬長敦宗睦族足以勵世者許彼處撫按官員具實奏聞獎勵

一宗室有因事革住祿米俱與照舊關支

一各王府將軍中尉年七十以上者各給米

十石絹十疋綿十斤庶人年及七十者一

體給米五石絹五疋

一兩京三品以上文官例該廕子在任未及

三年考滿者俱准與廕一子入監讀書

一兩京文官在任未及三年考滿者并在外

七品以上官歷任三年無過者俱與應得

誥敕

一兩京文武官署職試職者俱與實授仍與

應得誥敕

一王府官有年老願致仕者進散官一階其

歷俸三年無過者給與應得誥敕後不爲

例

一內外文職官有養病致仕及因事去任年

力未衰才識可用曾經科道及撫按官保

舉者吏部查奏起用其一應冠帶閒住者與致仕爲民者冠帶閒住係于獄情者不在此例

一公侯駙馬伯并内外文武官員旗士人等有因事革去罰住祿米俸糧者照舊關支

一嘉靖十六年天下稅糧不分起運存留以十分爲率俱免三分災傷地方免四分以蘇民困

一軍民之家有年七十以上者許一丁侍養

免其雜泛差役年八十以上者有司給絹

一疋綿一斤米一石肉十斤九十以上者倍之其男子年八十以上爲鄉里所敬服者加以冠帶榮身

一各處稅糧馬草戶口鹽鈔門攤課程光祿寺厨料及供應牲口并三宮皇親功臣莊田屯田子粒自嘉靖十二年十二月以前但係軍民拖欠者撫按官查勘是實悉與蠲免其已經收在官不拘多寡盡數起解

一嘉靖十六年漕運糧斛四百萬石內除例該折銀外其餘以十分爲率六分本色四分折銀正兌米每石七錢改兌米六錢後不爲例

一天下各州縣編僉均徭有餘剩丁糧在小戶者聽其空閒不許一槩追徵違者坐以贓罪

一各處鹽場有因雨水損壞倉廩消化鹽課曾經撫按官奏報勘實者竝免追賠

一內外倉場官攢人等有虧折糧草監追年久除侵盜虛出等項照舊監追外其有澆爛損折者悉免追賠後不爲例

一各處水坍沙壓等項田地稅糧負累人戶賠納曾經具奏者撫按官查勘明白照例除豁各處衛所有釋放軍伍遺下屯糧負累官旗賠納者亦與查勘除豁

一嘉靖十二年八月二十五日以後各處武職子孫赴部襲替照例減革至總小旗者

俱以冠帶終身後不爲例

一在京各營在外各邊并順天府南北直隸山東河南各處軍衛有司騎操孳牧寄養走遞馬羸驢牛近年以來虧欠倒失被盜等項并有例停候買補者悉與蠲免

一山東河南南北直隸各該牧馬草場子粒租銀連年災傷以十分爲率自十五年以前各免四分

一內外衛所在逃官軍人等詔書到日限三個月以裏赴官自首以免本罪復還職役差操

一在京輪班操備官軍有因地方災傷上班來遲例該罰班補操者俱免罰補

一武職官除失機重情不宥外凡一應千累誑誤及有司官因小忿爭陷虧枉革職者俱許具奏聽與分理

一內外各衙門囚犯該追贓物係還官給主監追五年之上及正犯身死拘禁家屬勘

無家產賠納者悉與宥免查照發落

一問刑衙門有因正犯逃故累及家屬親隣

干連證佐監久不係重情者即時釋放

一在京在外緝獲強盜妖言奸細等項多有

貪功圖利及無賴截番之徒妄拿誣陷重

罪累有詔旨禁例多不遵守今後問刑衙

門務要從公研審果有冤抑卽與辯理不

許拘泥成案若干碍妄拿報功人員照例

從公究治

一各邊將領等官平昔謀勇出衆累立戰功

偶因失事革職閒住及充軍等項年力未

衰猶堪任使者詔書到日聽撫按科道官

查訪疏名奏聞兵部酌量起用

一各處學校廩增生員有親老無人侍養願

告侍親者聽親終復學其累舉不第年五

十以上願告退閒者給與冠帶榮身仍免

本身雜泛差役

一兩京各衙門歷事監生及承差各免歷事

皇明詩林
三箇月辨事官一箇月辨事吏兩箇月當
該吏四箇月後不爲例

於戲震鬯毓祥上永

宗祧之祀離明增耀下敷臣庶之權詔告天下俾悉
聞知

嘉靖十五年十一月初六日

奉

天承運

皇帝詔曰朕惟王者之政莫不以祀典爲先故謂國
之大事在祀與戎而祀尤重焉夫郊所以事

天

廟所以事

先其道一而已矣未有不相關者也朕以冲愚宗末
仰叨

上帝下簡俾嗣

皇明詩經
天位君臨四方思典禮之重大者祀爲首焉每念于
茲切興長慨奈何經傳所傳亦多雜亂聖賢不
獲接緒聖經殘破莫修是以

郊祀襲合祭于屋下之文

廟祭沿異室同堂之制褻瀆之甚謂比同牢功德不
別

太祖莫尊朕乃不暇他顧祇聞于

皇天默卜于

皇祖親簡忠賢與之同力首建

園丘方澤以事

天地明陰陽之位而不可混褻續創

昭穆羣廟以祀

祖宗彰

太祖爲當專尊之

主復作

太宗廟于羣廟之外表

祖功

宗德之不遷以享百世之祀更

皇考廟曰

獻皇帝廟別擇吉區以避渠道大工悉成遂定五歲

大舉

禘祭之禮于

太廟以祀

皇初祖而奉

太祖配焉每特享

祖宗以立春于

本廟夏秋冬皆合享于

太廟循時禘之典季仍修

大禘禮于

太廟

皇考止修四時之祀以避豐禩之嫌奉安既成將覃
恤典由是先致孝于

慈闈庶伸誠于

璇闕恭上

兩宮徽號曰

昭聖恭安康惠慈壽皇太后

章聖慈仁康靜貞壽皇太后慶禮既備推愛宜頒王者遵承條布于后

- 一自嘉靖十五年閏十二月十二日昧爽以前官吏軍民人等有犯除謀反叛逆子孫謀殺祖父母父母妻妾殺夫奴婢殺家長殺一家非死罪三人採生解剖人謀殺故殺蠱毒魘魅毒藥殺人強盜妖言姦黨失機并事干邊方夷情及人命十惡一應真犯死罪不赦外其餘已發覺未發覺已結

正未結正罪無大小咸赦除之敢有以赦前事相告言者以其罪罪之

- 一宗室子女有年二十以上未成婚配者各該撫按官即便督令該府輔導官限三月以裏保送前來以憑禮部覆奏

- 一慶府台法先年因事遷居省城日久着令回府冠帶閒住岷府彥汰先年因事革爵已給冠帶着復原爵

- 一各處帝王陵寢前代名賢及本朝公侯駙

馬伯文武大臣敕葬墳墓有被人毀發荒穢不治者所在官司卽與修理照例編僉附近民人一丁看護免其雜泛差役其瑩域所占地畝稅糧一併除豁

一京官三品以上致仕大臣年八十以上者有司備禮問勞仍量給人夫月米

一兩京文武官自本年十一月初六日開讀後試職署職并總小旗詔前未經實授者俱與實授仍與應得誥敕

一公侯駙馬伯并文武大小官員折俸年久未曾關支者戶部通查盡數關給以後五年一次關給著爲令

一兩京文官自本年十一月初六日開讀後有陞除到任者俱與應得誥敕

一兩京文官有願馳封其親者悉照舊例

一軍職總小旗自嘉靖十五年十一月初六日以後爲事立功降級調衛者除失機重情不宥外其餘俱以原職役回還原衛帶

俸差操

- 一兩京各衙門歷事監生并知印自本年十一月月初六日開讀後各免歷辦三箇月
- 一各處起解糧草等項中途有遇水火盜賊曾經所在官司勘明到部者悉免追賠
- 一各處倉場先年失火延燒糧草等項經該官攢斗庫人等問發追陪者悉皆宥免
- 一雲貴廣西湖廣四川等處土官告襲者詔書到日各該三司官員作速體勘明白定

名具奏暫免赴部行令就彼襲職後不爲例

- 一累年充軍人犯除人命免死竊盜三犯及嚇詐財物指稱打點者不赦外其餘原問衙門查奏定奪其有先年正犯監故招內無名家屬及充軍者悉與宥免

- 一在京法司見監死罪重囚累經審錄未決者刑部具題請敕大臣會同三法司官重加研審果有冤枉者具由奏請定奪

皇明言集
二五
一大同軍士先年因避官兵畏死走入虜中
逃移四外者詔書到日該地方總督巡撫
官即便出榜曉諭許令回還出首復業各
與免罪仍量加存恤

於戲

郊社正而

廟制正庶慊朕事

天事

祖之心

慈壽尊與

慈仁尊允合夫人情禮情之至爰推恩恤肆及宗親
尚期臣工之協恭俾爾弱君于至治弘播詔示
悉使聞知

嘉靖十五年閏十二月十二日

奉

天承運

皇帝詔曰朕惟

天眷我國家

皇祖太祖高皇帝始肇于先

皇祖太宗文皇帝戢成于後

二帝之玄功盛烈

高厚同焉朕以支宗荷

天下簡用纘

寶位于茲已一十七載矣追繹我

文皇帝之功光

太祖澤蔭後昆繼惟我

皇考獻皇帝躬備聖德慶延于朕輝前庇後載籍弗

聞

文皇帝也宜有功而

祖報焉

獻皇帝也可有德而

宗稱焉庶幾伸孫子崇顯

尊親之至意適因法古典明堂之舉乃稽循

嚴考配

帝之經議命在廷百官會訂至于三再師錫之我僉

謂之同朕以九月九日躬祇奏于

園丘敢以

大禮請

命分諸命使遍奉朕誠各請

方澤

宗廟

社稷以告越二日率羣臣奉

寶冊崇尊

皇祖文皇帝廟號尊諡為

成祖啓天弘道高明肇運聖武神功純仁至孝文皇

帝尊上

皇考獻皇帝廟號尊諡為

睿宗知天守道洪德淵仁寬穆純聖恭儉敬文獻皇

帝即日恭行

皇考祔

享于

太廟仍藏

主于原寢是月之二十一日太剛朕躬行季秋明堂

禮于大內

玄極寶殿祇

享于

上帝奉我

皇考睿宗獻皇帝配

神於戲肇

皇明詩集
太享于初成罄物與民胞之意奉
嚴親而

上配答生成罔極之恩禮典忻成慶同民物凡在巘
輿之內聞詔宜悉欽哉

嘉靖十七年九月二十一日

奉

天承運

皇帝詔曰朕聞洪荒草昧三才未立追厥開天闢地
於惟

上帝宰御焉載稽往元醜亂我夏於惟

皇祖高皇帝出焉次建寶圖以成

高皇之烈者我

太宗皇帝也中啓明運以光

前勲之盛者我

皇明詩話
皇考功德焉於是慶鍾澤積至於今日朕方當童昧
之年不受仔肩之重眇末弗肖祇叨荷于

天眷洪深愚暗不才欽感沐于

帝恩隆大位處王公士兆之上君臨四國萬姓之尊
圖報稱于

上帝

皇祖

太宗

皇考之心終日思惟十復七歲矧人君稱皇取莫大

之名於

天又復自謂曰天子而推崇如事父之情何未之思

且蒼昊旻上未盡

高覆廣徧之極是以朕特竭愚念已於此月一日上

辰祇具

冊表親率臣民趨詣

園丘拜上

皇天上帝泰號卽復恭思萬類億物皆本乎

天朕爲民物報事

皇明詩林
天之心既少少盡矣惟人之本則非祖何用是因追
本之誠亦實昭我

皇祖丕烈古前所無者故就一辰奉

冊寶偕皇后率臣妾躬詣

太廟崇薦

皇祖聖號曰

太祖開天行道肇紀立極太聖至神仁文義武俊德

成功高皇帝

高皇后肇修陰教允輔

天德加薦

慈諡曰

孝慈貞化哲順仁徽成天育聖至德高皇后復惟

太宗皇帝克成

太祖洪業功備創守前于九月十一日加尊爲

成祖啓天弘道高明肇運聖武神功純仁至孝文皇

帝初以季秋

太享之典所關爲民謝福王者大事式循經義之正
特舉宗祀之章況我

皇考玄德升

聞輝前啓後宜薦

宗稱卽此之十一日恭上

尊號爲

睿宗知天守道弘德淵仁寬穆純聖恭儉敬文獻皇

帝是月二十一日祇

大亨

上帝禮于宮右乾隅之

玄極寶殿奉

皇考配

帝茲者六氣始復之辰九舉

大報之典珪璧是奉仰

上帝已垂歆祝帛是將荷

皇天之錫鑒朕衷懽戴莫罄名言臣庶同情敢稽

天貺特覃大賚之恩敬布

好生之德條頒此后

一自嘉靖十七年十一月二十一日昧爽以

前官吏軍民人等有犯除謀反叛逆子孫

謀殺祖父母父母妻妾殺夫奴婢殺家長
殺一家非死罪三人採生折割人謀殺故
殺蠱毒魘魅毒藥殺人強盜妖言奸黨失
機及事干邊方夷情人命十惡至死并一
應真犯死罪及大禮大獄首重者不赦外
其餘已發覺未發覺已結正未結正罪無
大小咸赦除之敢有以赦前事相告言者
以其罪罪之

一宗室年七十以上者有司各給米十石絹
十疋綿十斤庶人年及七十者一體給米
五石絹五疋

一天下各王府祿糧多有積年拖欠詔書到
日所司務要留意查處補給

一鳳陽高牆庶人因父祖得罪遷發并遺下
妻妾人等久罹禁錮誠可矜憫着司禮監
官一員禮部侍郎一員前去查審分別輕
重議奏定奪

一各處郡王將軍中尉有因事減革祿米者

除人命及敗倫傷化外其餘詔書到日為始俱照舊關支給事重者撫按官查議奏來定奪儀賓成婚年遠不曾赴京謝恩者免罪

一各王府將軍中尉等因祿糧欠缺往往潛身赴京奏訴有違法禁今後有事親王代與聞奏不許仍前故犯違者究治所奏事不行

一各處帝王陵寢前代名賢及本朝公侯駙馬伯文武大臣敕葬墳墓有被人毀發荒穢不治者所在官司即與修理照例編僉附近民一丁看護免其雜泛差役其瑩域所占地畝稅糧一併除豁有司不即奉行者撫按官一體究治

一浙江等十三布政司并南北直隸府州縣嘉靖十八年分除漕運糧斛四百萬石并解運京邊錢糧照舊徵兌其餘夏秋稅糧馬草農桑人丁絲絹布疋絲綿花絨屯田

莊田牧馬草場子粒租銀及甲丁二庫蠟
茶銅漆銀硃等料不分存留起運以十分
爲率俱免三分以蘇民困其十七年災傷
重大地方戶部查奏量行賑恤

一兩京文職并在外五品以上方面有司四
品官在任未及三年考滿者俱與應得誥
敕

一兩京文武官并新舊武舉官署職試職者
俱與實授仍與應得誥敕

一兩京文官有因事致仕年力未衰才識可
用者吏部查訪疏名起用冠帶閒住者與
致仕爲民者冠帶閒住

一各衙門辦事進士選期遠者吏部查照舊
例放回依親

一雲貴廣西湖廣四川等處土官歷任三年
查無過犯者給與應得誥敕詔書到日以
前土官應襲替者各該三司官卽與具奏
暫免赴京令就彼襲替

一見在兩京各衙門歷事監生免歷事三箇月承差知印辦事官各兩箇月當該吏四箇月辦事吏兩箇月

一朝覲三年京官六年考察係朝廷黜陟重典考黜者不許辨復禁例甚嚴近年考覈不當往往假借公法擯斥善類甚傷國體自嘉靖五年起至十一年止凡經考察罷職官員中間果有正直廉潔材器超卓久爲公論共惜者着兩京六科十三道從公

薦舉吏部查議奏請起用以伸公道後不援以爲例

一近年各處巡按御史及三司守巡官員在外擅作威福凌虐下司卑官所在科索民財饋送供億及故違節年詔旨訪察害人的三司官着巡按官御史劾奏御史着都察院考察黜退不敘詔書到日但係訪察犯人卽時釋放

一各邊將官并各處軍職官近年以來各巡

撫都御史及巡按清軍巡關巡倉各項差
出御史往往摺摭細故動行叅劾前來兵
部無所皂白便稱查訪相同卽時革奏及
至推補却又仍用各官保薦多係在前劾
退閑任之人此不過市權要賂朝四暮三
何曾有益國事況武職俱由先世軍功大
小有數非如文官出身多途今數數更易
不常是使人無固志旦夕苟且自保不暇
豈能奮身報國今後撫按等官各秉忠謀
務持大體其餘邊將軍官宜存作養愛惜
之意不許輕易任意叅劾兵部亦要酌量
事體不許一槩奉行重取物議

一兩京科道官均有言責近來全不舉職往
往遇事緘默容隱及至有言却又浮汎乖
刺不當事理有負朝廷耳目重寄今後各
科給事中及在道御史着專一舉正各衙
門欺弊糾察官邪不問内外文武大小官
員但有貪酷姦邪徇私壞法者卽時指據

皇明言赤
實跡明白劾奏

一各處地方災傷小民困苦朕思一夫一婦皆吾赤子司府州縣官今後務要加意撫摩愛養如有貪酷官員違例取財非法用刑破人家產戕害人命者巡撫巡按官指實奏來處以重典所獲贓賄盡追入官撫按官坐視不舉事發連坐

一科道官互相糾劾原非定制近年拘例塞責往往挾私報復排擊善類甚非治體今後不許互糾其給事中御史賢否只着吏部都察院從公考察

一各處撫按官舉劾官員賢否極爲泛濫往往先將陞任年淺不當舉保者綴名于前每舉不下數十人一人保語不下數十字及奏舉遺聞則盡境內之人並書薦剡公私心跡覽疏較然吏部不以爲非都察院不考其過以致臧否不分舉錯倒置今後敢有仍前濫舉甚至當劾而舉當舉而劾

及撫按官舉劾異同者該科不行糾劾一體究治

一西北各邊密邇虜寇安危重計莫切於斯祖宗時名臣勇將輩出兵威振揚北虜遠遁近年以來所在侵犯如陝西三邊失事奏功時或相半山西三關屢遭殺虜宣大之警不時有聞亦往往敗軍失利鎮巡總兵等官好生有負委託詔書到日各該官員務要盡忠謀國奮勇建功用心撫綏軍士竭力儲

峙芻糧偏裨將領并行伍士卒中有驍勇善射膽畧過人長材大器淪屈在下者許鎮巡官即時薦拔不次擢用爾文武邊臣有遠猷長策邊防大計許具疏來聞

一在朝大臣庶官宜靖共乃位盡心體國以佐予一人其或背公營私附下罔上招權納賄市恩報怨害正醜直交通阿附朋結阻撓煽構浮言變亂國是有一於此邦有

常刑

一內外各邊軍民大小衙門政務自有

祖宗累朝舊規及見行事例近年以來建議紛紜朝更夕改其實徒費文移無益事體爲害滋甚今後給事中御史凡各項差遣出巡事完回京止許將本等奉行過事情題奏不許開例條件別議興革該部亦不許依違奉承一槩題覆在外地方果有應興應革事宜止許各該撫按官會同三司官議同奏請在邊方的着鎮巡總兵官會奏如有仍前故違者該部看詳輕則立案不行重則參奏治罪

一士夫學術不正邪僞亂真以致人材卑下文章政事日趨詭異而聖賢大學之道不明關係治理要非細故朕歷覽近代諸儒朱熹之學醇正可師

祖宗設科取士經書義一以朱子傳註爲主誠有見也比年各處試錄文字往往詭誕支離背戾經旨此必有一等奸僞之徒假道學之

名鼓其邪說以惑士心不可不禁禮部便
行與各該提學官及各學校師生今後若
有創爲詭道背理非毀朱子者許科道官
指名劾奏

一内外文武官員因事罰住祿俸者詔書到
日照舊關支

一内外文職官員近來添設太多柴薪俸給
不免重徵小民吏部今後遇缺填補不許
無故一槩添註

一内外文職官員吏部銓選之時務要量材
授任久任責成不許無故更調以起奔競

一各處起解糧草等項中途有遇水火盜賊
曾經所在官司勘明到部者悉免追陪并
各處倉場先年失火延燒糧草及有沓爛
虧折等項經該官攢斗庫人等問發追陪
者悉皆宥免

一各處軍衛所官舍餘人等置買民田往往
不肯納糧當差不服州縣拘攝致累糧里

包陪着撫按衙門并管糧等官明白榜諭
今後一體坐派糧差不許抗拒違者原買
民田追奪入官

一孝子順孫義夫節婦已經旌表年及七十
以上并軍民之家男婦年八十以上者有
司各給絹一疋綿一斤米一石肉十斤九
十以上者倍之其八十以上男子加以冠
帶榮身

一天下歲貢生員自嘉靖十八年爲始至二
十一年止順天應天府學加貢六名在外

府學加四名州學三名縣學衛學二名

一軍職總小旗自嘉靖十五年十二月十二
日以後爲事立功降級調衛者除失機重
情不宥外其餘俱與原職役回還原衛帶
俸差操

一嘉靖十五年十二月十二日以後各處武
職子孫赴部襲替照例減革至總小旗者
俱與冠帶終身後不爲例

一藩邸從龍人員歷事勤勞官至指揮僉事以上者子孫俱與世襲

一武職官除失機重情不宥外凡一應干累誑誤及因事忿爭虧枉革職降級者許具奏該部聽與分理

一各邊軍民男婦或被搶擄或有罪逃陷入異域年遠走回的鎮巡總兵及管軍等官卽與收留安插加意存恤若有誣以姦細妄殺報功者抵死

一在京各營在外各邊并順天府南北直隸山東河南各處軍衛有司騎操孳牧寄養走遞馬羸驢牛凡一應虧欠倒失被盜等項該追價銀及買補者各處牧馬草場子粒凡被小民拖欠者自嘉靖十七年十一月以前除已徵已補在官照例起解交收其未完之數悉行蠲免該管人員敢有因而侵欺者致以贓罪

一在京在外緝獲強盜妖言奸細等項多有

貪功圖利及無賴截番之徒妄拿誣陷重罪累有詔旨禁例多不遵守今後問刑衙門務要從公研審果有冤抑卽與辯理不許拘泥成案妄拏報功人員照例從重究治

一兩京三法司并在外問刑衙門官員不肯用心講明律例詳讞獄情惟事筮楚煅煉甚則怵勢徇情故出故入又有明知冤抑拘於成案回護原問官員相視不與辯理

法司堂上官在外按察司官近來吏部不循舊規所用多非素習刑名之人上下因仍苟且不以憲典法爲重以致獄多冤民上干和氣朕每軫慮及此深加隱惻今後各官宜體朕意以愛恤民爲心無肆苛虐無縱詭隨務俾政和刑清天下無冤以弼成朕平明之治如或仍襲故常無所省憚朕將有重懲焉

一在京各營在外各邊官軍倒失馬疋應追

椿朋銀兩自嘉靖十七年十一月二十一日以前拖欠未完者悉行蠲免以後仍照舊例追收

一官吏軍民人等有爲事問發充軍除原係真犯死罪饒死不赦外其餘放回原衛原籍寧家

一近年以來京班官軍做工勞苦其有脫班來遲應該送問罰班補操者盡皆宥免

一內外衛所在逃官軍人等詔書到日限三箇月以裏赴官自首與免本罪復還職役差操

一內外武職比試過違限查扣住俸官員自嘉靖十五年十二月以後至嘉靖十七年十一月開讀以前原住俸糧悉與關支其比試不中回衛與支半俸者亦與全俸照依原限起送再比

一以上宥罪覃恩并戒勵文武臣工事宜詔書到日凡百有位宜卽悉心殫力着實奉

行以副朕代

天子民至意

於戲事

天事

帝而事

祖

考

郊大報與

堂大享以同伸報

功報

德而報

生成

皇矣

天

皇矣

祖考斯竝盡慶豔神人忭極民物澤流

帝惠有血氣者其思之以

尊親言露朕情凡見聞者宜念哉而祇繹布于華夏

播彼夷狄欽哉

嘉靖十七年十二月二十一日

奉

天承運

皇帝詔曰

至尊無上固人主所以奉

親於生存

令聞不已尤人子所以顯

親於沒後揆諸

天道而不悖察諸人情而允諧爰薦

尊稱用光

遺烈洪惟

聖母大行章聖慈仁康靜貞壽皇太后至性純粹厚
德含弘逮事我

皇祖妣孝惠皇后徽音克嗣於

先朝久相我

皇考睿宗獻皇帝內範聿彰於藩服勤儉之化布於
宮闈而罔愆仁愛之風敷於邦國而無間善積
深厚慶澤悠長施於冲人庸膺

寶命凡宣猷振弊興道致治弗墜

祖宗之洪業咸賴

聖母之慈訓也痛夫

壽宮頤老方逾六袞之齡

仙馭升遐遽違四海之養追攀莫及摧割奚堪永惟
不朽之圖議舉易名之典茲卜十二月二十七
日祇告

天地

宗廟

社稷恭上

皇明名文

八

嘉靖十七年

又辛酉

尊謚曰

慈孝貞順仁敬誠一安天誕聖獻皇后於戲采集衆
論之公成予一人之孝尚慰終身之慕誕垂奕
世之休播告寰區使咸知悉

嘉靖十七年十二月二十六日

奉

天承運

皇帝詔曰朕惟人君奉

天命而君臨天下所重者大本係焉是以自神禹至

今率遵此道用一人心也比歲朕荷

皇天俯眷元嗣誕生數歲之間疊承

洪造顧朕何人鉅膺

帝德深惟

皇祖垂裕之恩

皇明言赤
列聖累積之大

皇考功德玄隆

皇妣善慈廣萃慶集朕躬顯受不荷至有今日茲念祖宗家法具在

慈囑切朕赤中冀文武羣臣屢請左右元僚力贊咸以國本之定此其時也朕亦思惟欲圖久大之治安須蚤定立於儲貳兼以蕃輔之重故同建本而行適取昨日元吉是維今月一日朕躬祇請

命于

皇天

皇祖分命諸臣告于

方澤

列聖

太社稷

帝社稷

神祇大頒冊寶立朕元子載壑爲皇太子分封第二子載丕爲裕王第三子載圳爲景王慶典旣成

恩澤斯覃舉昭代之彝章答敷天之至望爰申
大賚條布于左

一自嘉靖十八年二月初四日昧爽以前官
吏軍民人等有犯除謀反叛逆子孫謀殺
祖父母父母妻妾殺夫奴婢殺家長殺一
家非死罪三人採生折割人謀殺故殺蠱
毒魘魅毒藥殺人強盜妖言姦黨失機及
事下邊方夷情人命十惡至死并一應真
犯死罪及大禮大獄首重者不赦外其餘

已發覺未發覺已結正未結正罪無大小
咸赦除之敢有以赦前事相告言者以其
罪罪之

一各王府親郡王嫡母與生母並存者詔書
到日其嫡母准加稱太妃生母准授封爲
次妃

一公侯伯有因生母未授封而併其妻不得
封者許一體誥封

一宗室年七十以上者有司各給米十石絹

皇明言詠
十疋綿十斤庶人年及七十者一體給米
五石絹五疋

一各處宗室及儀賓有志講學讀書者許親
王延請儒師與同該府長史教授等官考
校勸勉以資進益果有志行不苟學有成
效者奏聞獎勵

一
累朝及見在公王子孫有志向學者許廕一人送國

子監讀書

一兩京文職三品以上官未及三年考滿者
俱與應得誥敕仍廕一子入監讀書

一王府官有年老願致仕者進散官一階其
長史歷任三年無過者給與應得誥敕

一兩京文官有犯公罪充軍爲民者着查所
犯情由開奏定奪

一武職官除失機重情不宥外凡一應千累
誥誤及因事忿爭虧枉革職降級者許具
奏該部卽與辨理

一文武官吏監生知印承差生員軍民人等有為事見發運磚運灰運炭納米及追罰馬匹做工擺站煎鹽炒鐵充軍伴儀從膳夫等項悉宥其罪各還職役寧家隨住軍職例該帶俸差操照原擬發落

一在京文武官員之家除里甲正役外其餘一應均徭雜泛差役照依正統元年事例全戶優免如有詭寄田糧靠損小民者聽撫按官叅奏治罪

一大漢將軍侍衛二年半以上者給與冠帶四年半以上者授試百戶

一軍官旗軍將軍力士校尉舍人餘丁有為事發遣各處立功瞭哨者盡行放免復還職役例該帶俸差操者不許管軍管事

一被災地方應免錢糧詔書到日為始已徵在官者收作本戶下年該納之數未徵者照例蠲免以蘇民困

一各處地方災傷小民困苦着巡按司府州

縣官加意存恤有流移的即時招徠或爲
飢寒所迫一時嘯聚爲盜者卽令自首解
散悉宥其罪仍一體賑濟安插

一各處逃軍逃匠逃囚人等自詔書到日爲
始限三箇月以裏許於所在官司首告與
免本罪軍還原伍匠仍當匠民放寧家其
各處解軍之人有因違限問發充軍者放
回寧家後不爲例

一光祿寺厨役年老殘疾者告官審驗是實
放回寧家有司照缺僉補上林院監原僉
養牲種菜等項人戶其有老疾不堪應役
戶內無丁頂補者許該監官驗實具奏放
回原籍依住

一各邊方方面知府等官在遠効勞撫按官
保留不得赴部給由者吏部查訪賢能不
拘常資陞用以均勞逸

一各處倉官及收糧經歷守候二年以上放
支不盡者仍聽全支本等俸給

皇明言表
一內外文武官員總小旗因事罰俸住糧者
詔書到日照舊關支

一孝子順孫義夫節婦已經旌表年及七十
以上并軍民之家男婦八十以上者有司
各給與絹一疋綿一斤米一石肉十斤九
十以上者倍之其八十以上男子加以冠
帶榮身

一天下歲貢生員見今應貢到部有年老不
願仕者與從七品散

一各處府州縣儒學廩膳生員有年五十以
上并停廩年久不願進取復學者竝與冠
帶榮身

一兩京各衙門歷事監生知印承差辦事官
當該吏除前次恩免外以後撥到辦事者
監生免三箇月知印承差辦事當該官吏
各免兩箇月

於戲宜王宜君衍本支於百世錫福錫祿溥仁
化於萬方允協

神人之大猷益篤邦家之永祜徧播華夏俾悉知悅

嘉靖十八年二月初四日

奉

天承運

皇帝詔曰朕聞聖人之治天下也率皆以孝爲先蓋
所以教民作範焉弗孝何以上人乎朕以菲才
叨承

天眷君茲黔首主御華夷所事者人極重焉故首正
父子天倫之正復宗

考廟當有之

宗適者積愆采深累于

慈聖

鸞輿遐邁哀徒摧五內之傷

鳳寢再圖禮厥宜

二親之共匪自經營何慰夙夜乃於今年仲春之十

有一日

奏告于

天地

宗廟

社稷徧達于

百靈衆秩於十有六日駕徂荆楚之舊藩躬視承

天之

嚴寢越二十有五日駐蹕龍飛內之卿雲宮齊潔肅

誠定禮備樂有五日元吉祇

奏告之祀于

皇天奉

皇考睿宗獻皇帝上

配報

生恩而拜謁

皇明言類
顯陵答

神功而躬祭

社稷以及道經之望徧兼舉諸王羣職迎覲獻誠
雖未如四狩之巡亦以見省方之意且朕何人
敢堯舜似祗欲伸送終之道以求夫永世之安
庶幾教天下也今

玄寢之制置既詳

親體之尊安攸定但念本根所在百姓繫懷勞擾久
時民艱當軫承天府自明年爲始特免田租三

歲湖廣地方與免明年田租五分之一北直隸
河南二處亦與免明年田租三分之一用見朕
懷恤之意期以今月二十三日還京於戲慎終
思永立愛敬以式臣民經始求臧建中業以遺
孫子尚賴忠賢匡于至治詔爾華夏宜悉知之

嘉靖十八年三月二十日

奉

天承運

皇帝詔曰朕惟邃古之世道隆化洽人淳氣和

君者曰堯曰舜而爲臣者乃禹乃益不可及矣

降是禹湯文武繼作而有稷契周召以佐之亦

不可尚矣下而曰漢唐宋其間誼辟英君之時

見終未若上古之休或多災害絕未有如今日

之變者也朕

皇祖高皇帝應

皇明言赤
天順人復夏掃穢功德之盛無前大烈朕以藩嗣當
皇兄升遐之日

命朕入繼大統朕嗣

天位十有七歲之間思報

祖德先正

太祖南面之尊備建

七廟之制加薦

尊謚用罄追崇賴二三大臣協恭力贊然非朕變更
成典實本信任古道他悉罔忌自謂報荅

本源之情少盡詎意有今日之變云也今年四月五

日夕初正以恒暘之雨爲懽當時

仁廟倏忽火起驟然暴作加以猛風四發人無措手

相視號顛莫容救護卽刻

仁廟

成祖廟

主同燬延藝

太廟及

昭穆羣廟祇存

睿宗廟安全朕自昨冬孟月患疾至今元氣未復精神失舊食飲減昔氣血兩虧一聞奏報若墜深淵欲赴火中思無濟事且因病未全復益加瘳瘁力疾奉

慰

祖宗于

景神殿祗戴罪

奏謝于

上帝

皇祇告于

太社遣官徧祭

百神書報宗室諸王詔示天下臣庶使知一人之重罪致上延

七廟之御棲按厥咎原無可容已爰將寬恤之文預示圖復之力所司奉行條布于後

一嘉靖十五年十二月以前各處軍民拖欠除王府祿糧仍舊催徵外其餘稅糧子粒草束農桑人丁絲綿門攤商稅戶口食鹽

米鈔諸色課程鹽課魚課等項除已徵在
庫及已經解戶人等收受者詔書到日各
該撫按官作速分投差官查明截數起解
原定衙門上納交割各造冊奏繳查其未
經收受係小民拖欠者盡數蠲免敢有將
已徵捏作未徵侵欺盜用者許諸人首告
拏問治以重罪其嘉靖十六十七年一應
該解本色錢糧除已收有本色者照舊起
解外如未收有本色准令計價折銀起解

上納

一內外倉場官攢人等有虧折糧草監追年
久除侵盜虛出通關等項照舊監追外其
有浥爛損折者悉免追賠後不爲例

一各處衛所官軍月糧有經年累月不得關
支者巡撫官督令司府等官量爲處給以
蘇困苦

一各處民不聊生皆由差役繁重詔書到日
各撫按官卽查先年舊規將新增一應濫

差所在量爲裁革

一司府州縣衛所并驛遞等衙門官員中間多有不守法度科害軍民并徭役人戶供應下程索要拜見常例等項名色財物并指稱公用以一科十及徵收一應錢糧通同收頭庫役分取秤頭銀兩入已軍民無所控訴以致流離逃亡致傷和氣各該撫按官務要嚴加禁革拏問重治

一守巡兵備分守守備等項官員分駐地方除本等廩給之外索要各州縣衛所里甲旗軍供應下程設置筵宴低價強買貨物等項爲害多端着各該撫按官嚴加禁革訪察叅問

一各布政司并直隸府州一應大小錢糧坐派所屬須要奉到各部題准勘合方許遵行分派其未奉勘合分毫不許擅自科派事發重治

一十年大造黃冊乃里甲賦役所關最爲要

皇明詩林
二六四
務各府州縣掌印管冊官員多有通同縱容吏胥里書人等受財那移里甲更改戶籍飛灑詭寄稅糧虧折糧總負累糧里包賠致起丈量之議深爲民害卽今正當攢造黃冊之年各該撫按官嚴督布政司管冊及府州縣掌印管冊官各要持廉秉公用心督造禁革奸弊冊完之日設法查對如有前弊官員以罷輒叅黜里書照例從重問擬發遣

一在京在外有孤老殘疾不能生業者卽便收入養濟院照例給與衣糧毋致失所
一宗室年七十以上者有司各給米十石絹十疋綿十斤庶人年七十者一體給米五石絹五疋
一天下各王府祿糧多有積年拖欠詔書到日所司務要留意查處補給

一各處郡王將軍中尉有因事減革祿米者除人命及敗倫傷化外其餘詔書到日爲

始俱照舊支給事重者撫按官查議奏來定奪儀賓成婚年遠不曾赴京謝恩者免罪

一宗室子女有年二十以上未成婚配者各該撫按官即便督令各該府輔導官限三箇月以裏保送前來以憑禮部覆奏

一天下歲貢生見今應貢到部有年老不願仕者給與從七品散官

一孝子順孫義夫節婦果有卓異實跡着有司具奏覈實旌表其已經旌表年及七十以上并軍民之家男婦年八十以上者各給與絹一疋綿一斤米一石肉十斤九十以上者倍之其八十以上男子加以冠帶榮身

一光祿寺供應牲口自嘉靖十五年以前但係軍民拖欠者撫按官查勘是實悉與蠲免其已徵收在官者截數起解

一各處歲辦藥材除已徵在官者照例送納

未徵之數自嘉靖十五年以前盡行蠲免
一 每年各處朝貢夷使僅萬餘人彼各異鄉
風土未宜寧無欲歸之念凡各夷到館之
日該部凡應行事件作速查理題賞之後
卽行關領錢糧刻期給散各該衙門亦不
許故意怠惰淹留在館虛糜供應以失朝
廷柔遠之意

一 順天南北直隸山東河南各該軍衛有司
孳牧寄養走遘馬羸牛驢并種馬馬駒倒

失虧欠等項該追本色價銀京營各邊官
軍倒死騎操馬匹該追椿頭朋銀自嘉靖
二十年四月初五日以前除已徵外未完
之數悉皆蠲免

一 京營并各邊騎操馬匹倒死數多該管營
操領班等官例應叅問及解馬官吏違限
例應提解來京送問者俱各免究

一 近年以來驛遞疲憊大甚良由差役浩繁
加以包攬之徒倚公侵費今後各王府并

各該衙門凡一應不急之務俱各差人類
奏以省驛遞之費在驛供役之人各該撫
按守巡等官嚴加禁革凡不係真正關文
或人情手本一例查革不許應付及有包
攬侵費臨期躲避誤事者從重問罪以節
財用

一各處京班官軍連年借撥做工十分艱苦
其有脫班來遲應該送問罰班補操者悉
與宥免原差催軍官兵部即便取回

一各邊走回人口有被邊將藏匿殺死以圖
報功陞賞者甚傷和氣撫按官舉奏得實
照殺降例抵死

一內外武職官總小旗有因事住俸糧者悉
令照舊關支

一凡應襲武職有一二三輩未經比試例該
罰俸及起送到部比試違限查扣住俸并
比試不中止給半俸悉皆免其罰俸准全
支給俟二年之後起送再比

一內外各衙門囚犯該追贓物係還官給主銀貨至五十內以上并入官至一百以上監追五年之外及正犯身故拘禁家屬各勘實果無家產堪以變賣賠納者開具各犯情罪奏請定奪其不及前數監追一年之外及正犯身死者各勘無家產悉與宥免查照發落若係埋葬銀正犯見在者仍依律追給

一各處布政司并南北直隸處所軍民詞訟除謀逆并盜賊攻陷地方重情外其餘一應輕重事情須要自下而上陳告若驀越來京奏告者法司照例問罪將所奏情詞類行原籍官司問理干碍司府衛所州縣者行巡按御史或巡撫都御史問理不許輒便擬奏差官提勘攪擾地方

一各處地方災傷小民困苦各該司府州縣官如有不行撫摩愛養恣其貪酷取名違例科罰非法用刑破人家產殘害人命者

巡撫巡按官指實奏來處以重典撫按官亦要以身率下若坐視不舉事發連坐

一各司府先年大木解戶行至中途被水衝泛比與侵欺不同若追賠年久至監死戶丁者查實卽與蠲免釋放

一供應惜薪司擡柴夫已經解有工食銀雇覓自嘉靖二十年以後俱免解人以省京畿勞費其先年拖欠未解夫銀查係小民拖欠者悉與蠲免

一軍器除存留備用及胖襖存留本處給軍者各照舊成造外其應解工部者俱自嘉靖二十一年起至二十五年止各照數徵收折色銀兩解部別用以免軍民造作運解之勞以後年分仍解本色

一節年輪班人匠除二十年以後按季解當外以前年分有欠班未補者悉與開免中間有丁盡戶絕節黃冊清查的實本管官司卽與開除毋得貽累里甲

一在京在外各衙門見監囚犯監追贓物未完者除侵盜官錢糧誑騙強索人財物應該還官給主者照舊監追其餘彼此俱罪及一應入官之贓悉免追徵

一內外倉場官攢斗級及糧戶人等有虧折糧草及各處鹽場官吏竈戶人等虧損鹽斤監追年久者除侵盜虛出等項照舊監追外其有洩爛損折失火延燒并因雨水損壞倉廩消化鹽課者撫按官勘實悉免

追賂

一各處軍民及罷閑官吏生員人等往往指以建言為由上書奏事希求進用及潛住京師投托勢要捏寫本詞生事害人着緝事衙門逐一訪拏送問處治輕則遞回本籍重則枷號發遣

一兩京法司及在外問刑衙門近年以來軍民詞訟不行即時問理又聽犯人展轉攀捲以致淹禁日久因而病死者往往有之

皇明詔書
二七十一
冤抑不伸致傷和氣今後務要上緊問結
毋致枉濫久禁

一內外問刑衙門一應見監見問囚犯有累
經伸訴冤枉者所司明知其屈却乃拘泥
成案或避嫌疑不爲辯理詔書到日果有
情可矜疑者即便審實合辯問者從公辯
問如或干連逃躲事難決斷與人命無屍
可檢強盜贓仗不明及年久無贓人死無
証者原問衙門備開矜疑緣由奏請定奪

一在京在外緝獲強盜妖言姦細等項多有
貪功圖利及無賴戳番之徒妄挈誣陷重
累有詔旨禁例多不遵守今後問刑衙門
務要從公研審果有冤抑卽與辯理不許
拘泥成案其妄挈報功人員仍照例從重
叅究治罪

一兩廣雲南等處地方近因安南征調轉輸
民力勞瘁著各該巡撫官加意寬恤

於戲仁敬孝以爲德必自今而加勉責在台躬

皇明詩苑
寅恭忠而弼亮須伊始以交修望爾有位要究
夫邦興于多難之機勿便謂后勿類先王之行
雖時君罔肖甲宣當念我邁德
湯武共圖夾持之道用盡回

天之誠敷告中外都使聞知

嘉靖二十年四月二十日

奉

天承運

皇帝詔曰朕惟德懋施遠禮重慎終此隆古聖王經
制崇典所以成先德者禮無不備也朕自繼統
以來尊養

皇伯母亦既有年迺今日夕遠追 思隱切稽行闡
名之禮具在典彝敢奉而行之洪惟

皇伯妣昭聖恭安康惠慈壽皇太后中德統備柔道
惠從事我

皇伯考孝宗敬皇帝翊理乾綱修明內治誕育

皇兄武宗毅皇帝丕承鴻業保預靈休州儀旣著徽

號式彰暨予冲人勉圖化理仰荷

慈範式我言闡一朝升遐四海咸慟祇奉

遺誥眷念朕躬以及子孫黎民三復訓辭哀切朕衷

爰考日章博采輿論於八月二十四日敬告

天地

宗廟

社稷上尊謚曰

孝康靖肅莊慈哲懿翊天贊聖敬皇后嗚呼惠德難

名徽音如在顧情文之兩盡庶聞譽之無窮布

告萬方咸使知悉

嘉靖二十年八月二十五日

奉

天承運

皇帝詔曰朕惟宗廟之禮所以序昭穆孝子之至莫
大乎尊親古之訓也我國家

宗廟之制自

太祖肇基首立

四親廟其後更制同堂異室比因稽古之制用協七
廟之文是以創建式師周典迺以鬱攸不戒原
之昭穆不明用是復同堂之建實有不得已之

情爰循

更制崇構

新宮時祫祭享奉

太祖正位居尊

成祖及

列聖與我

皇考睿宗

皇兄武宗俱同堂而序享獻之節悉用往儀大工既

就茲以七月初一吉辰敬告成事奉安

列聖神主

聖靈希妥朕志莫伸維時

典禮之成宜廣推仁之惠所有寬恤事宜開列于
後

一自嘉靖二十四年七月初二日昧爽以前
官吏軍民人等有犯除一應真犯死罪并
事干邊方夷情及充軍人犯不赦外其餘
自徒罪以下已發覺未發覺已結正未結
正罪無大小咸赦除之

一浙江等處十三布政司并南北直隸府州縣嘉靖二十五年分除漕運四百萬石并解運京邊錢糧照舊徵兌起運其餘夏稅秋糧馬草農桑人丁絲絹布疋絲綿花絨屯田莊田牧馬草場子粒及甲丁二庫銅漆銀硃等料不分存留起運以十分爲率俱免三分四川湖廣貴州出產大木小民搬伐運送勞苦尤甚免四分以蘇民困其二十三年以前起解錢糧侵欺事發者限

三月以裏完獲批單照常釋放

一各處逃亡人戶流離他方情願復業者除免差役二年里長不許勾擾其山東淮陽鳳陽等處拋荒田土數多許諸人告官承種仍免糧差三年三年之後如果成熟方纔量納輕糧各州縣官有能招撫流民復業及開墾荒田數多者撫按官保薦擢用一各處軍民田糧如有詭寄飛洒移坵換段等弊以致田糧不均靠損小民者許被害

皇明詩苑
二八四
人戶具告所在撫按兩司卽與委官踏勘
丈量明白糧歸奸詭人戶辦納不許奸猾
之徒捏生事端將一縣一府田地不分有
無規避一槩均丈以滋奸弊所在官司亦
不許輕易聽從以騷擾小民違者從重究
治

一宗室子女有年二十以上未成婚配者各
該撫按官卽便督令該府輔導官限三月
以裏保送前來以憑禮部覆奏各府祿糧

多有積年拖欠詔書到日所司務要留意
查處補給

一兩京文官在任未及三年考滿者俱與應
得誥敕署職試職俱與實授仍與應得誥
敕有願馳封其親者悉照舊例

一文官除考察并犯贓罪及行止有虧外其
餘有因事爲民者准與冠帶閒住

一京師三大營及十二團營官軍椿朋銀兩
以前拖欠者俱准令蠲免仍免徵以後年

分朋銀三年用蘇軍困以後仍照舊例徵收

一武職除納級外原係軍功陞授署職試職者俱與實授

一在京各營在外各邊并順天府南北直隸山東河南各處軍衛有司騎操孳牧寄養走遞馬羸驢牛委係倒失被盜并有例停候買補者俱准令蠲免其已補在官者照例發該管人員交收若有乘機欺隱作弊

者事發治以重罪

一在京輪班操備已到做工官軍既有搬運木石之勞合於本身及將戶內親丁一名量免本衛雜泛差徭果因地方災傷該班來遲止令補班免其送罰

一大同軍士先年因避官兵畏死走入虜中逃移四外者詔書到日該鎮總督巡撫官即便出榜曉諭許令回還出首復業各與免罪仍加存恤

皇明言錄 三五
一緝事衙門除人命強盜機密重情等項重
事許其訪拏奏治其餘軍民輕犯係干有
司掌行者不許一槩騷擾

一宗室有因事革減祿糧者除敗倫傷化打
死人命重情外其餘自詔書到日爲始俱
照舊支給

一湖廣川貴採運

廟建大木官商預領銀兩除侵欺嚴追外其有阻險
出遲致擬重罪追價者工部通行三省撫

按官坐委守巡逐一體驗丈量果係堪用
木植足抵原領官銀責令運至水次准與
記收申部行文類總解京備用仍與分豁
原罪

一各邊近年虜寇傷殘地方如山西太原忻
州汾州宣大廣昌膳房等處俱遭慘毒良
可憫惻雖曾議加賑恤未見著實舉行詔
書到日撫按官通行各該府州縣等官查
照見在軍民并老幼孤寡丁口蠲免該年

租稅差徭務令漸復生理其全無依倚者
卽爲處給衣食母令失所以體朝廷子愛
元元之意

一兩京各衙門歷事監生并知印承差當該
吏見歷辦者各免二箇月辦事官吏各免
一箇月

於戲

闕宮有恤鴻規旣復於魏崇

寢成孔安殷薦克伸於妥備固未副冲人之永思特

蚤慰一時之孝念也詔告天下尚咸知悉

嘉靖二十四年七月初二日

奉

天承運

皇帝詔曰

宜

天祇守於遵奉無窮焉昭著光明炳然煥然如存
心錄祭祀禮儀大明集禮諸書備在禮樂制度
之宜罔不該括朕以宗藩冲昧之人以

天序人倫奉

天明命入承祖位長此萬夫深惟元后之職甚重方

皇明詩苑 卷之十
嗣守之不暇敢遽爾以紛張特惟大報之禮王者大事

郊祀之典羣祭之首稽之太古皆本諸上下之定位陰陽之正義祀

天祭

地各有其時禮文規制亦別其宜奈何後世以來人情不古若欲勝理危神人無二道期可神人並一途非宜遂爲尊

天地之祀謂當同夫婦同牢之禮褻慢爲尤瀆雜亦甚神祇鬼並祀於一時

天地人同目爲一理理固惟一分實有異程子有伸大報之理當各從其類各用其時之言朱子有祭定分無合之嘆斯大賢之格言非後世常人恒士之所云者洪惟我

皇考首定

大祀之典有

園方二丘以爲壇之制有冬夏二至以行事之文此萬世不刊之亦萬世所當遵行之也朕昨以二

月之吉三請卜告修復大典之命于

皇祖蒙

允鑒焉雖卿士間有弗同亦未終焉非者或以時屈
舉盈為戒或以民力未充為言朕弗之顧惟體

皇祖之心為心遵

皇祖之鑒以為恃乃命勳輔文武重臣于五月十三

日吉董工舉事朕親奏告于

皇天

祖考建

園丘於

南郊之

大祀殿前以每歲冬至至行

大報禮

方丘於北郊之安定門外以每歲夏至至行祭地禮仍

於孟春於

大祀殿行祈穀禮于

上帝

二郊俱奉我

皇明高皇帝配

神祈穀仍奉

二聖同配及築朝日夕月二壇各用其時以伸禮
神報功之意念斯典禮所關甚重近雖書宗室諸王
使知所以然而天下之廣陬深谷豈能戶曉人
知或致疑駭以徒爲勞民之舉更張

成憲之文故特用播告以今大竣今年冬至朕
大報禮于

園丘嗚呼惟辟奉

天宜殫祗若之敬曰子事

父尤嚴欽順之誠雖誠敬之道弗可專於儀文度數
之間然起

厥乃心豈無借諸規制禮情之備矧教民而嚴上須
盡制以協中詔告天下備悉聞知

嘉靖 年 月 日

奉

天承運

皇帝詔曰惟我

祖宗聖聖相承至治鴻功越度千古暨我

皇考大行皇帝以經文緯武之德建安內攘外之功

增光

先朝垂庇後世方幸永賴遽爾上賓特厯憑几之言

屬以神器之重朕熒熒在疚本不忍聞而文武

羣臣天下耆老軍民合詞勸進至於再三辭拒

皇明詔書
弗獲乃遵

遺詔以是月二十六日祇告

天地

宗廟

社稷卽皇帝位以明年爲隆慶元年仰惟

帝命之垂昭深惟繼述之兼善俛焉自省豈所能勝

然而

先志不可不成

聖訓不敢不奉是用推類以盡義通變以時宜期愆

舊恩適弘新化所有合行事宜條列于後

於戲覲耿光而揚大烈方勉盡於孝思贊帝軌
而翊皇猷實有資於忠蓋凡爾有位尚體朕心
各摠匡輔之誠共保昌熙之祚播告中外咸使
聞知

嘉靖四十五年十二月二十六日

奉

天承運

皇帝詔曰朕惟自古聖王其生也天下之人相與尊
而親之其沒也相與頌而思之若堯舜禹湯文
武是也洪惟我

皇考大行皇帝以上聖之德撫中興之運湛恩所被
莫不歸仁明威所加罔不震懾蓋在臨御之日
爲天下所尊親久矣逮乎

宸衷厭世龍馭遐升朕銜恩茹荼不勝瘠毀而凡百

臣庶亦莫不摧心泣血有喪考之感焉茲朕敕諭文武羣臣稽古禮文議薦

謚號博叅輿論允協至公乃於正月十九日祇告

天地

宗廟

社稷奉冊寶恭上

皇考大行皇帝尊謚曰

欽天履道英毅聖神宣文廣武洪仁大孝肅皇帝廟號

世宗諒爾萬方其頌而思焉之心均無窮也屬殷禮之既舉爰渙號之用頒夫仰

皇考之徽稱則必信從其治教感

皇考之餘澤則必翊戴於邦家尚一乃心用若予化播告遐邇咸使聞知

隆慶元年正月二十日

奉

天承運

皇帝詔曰禮不可以忘本而孝莫大乎尊親是以自

古聖帝明王暨我

祖宗列聖續祚膺圖君主天下莫不致隆于所生蓋

天理人情之至也成憲具存在朕惟尤切焉洪

惟

皇妣榮淑康妃生稟巽明躬備坤則事我

祖妣既克嗣于徽音奉我

先皇寔贊成夫陰教和惠洽乎九御恭儉聞于四方
委祉發祥誕育冲眇不惟保愛之曲至抑且訓
迪之周詳茲朕獲奉

宗祧紹

列聖之弘休續

先皇之大業固皆慈誨之貽也顧音容已隔歎霜露
之屢經尊養欲伸悲風木之不待永言感慕倍
結深衷乃考舊章並詢輿論特舉追崇之典適
隆儷極之稱于正月二十一日祇告

天地

宗廟

社稷恭上

尊謚曰孝恪淵純慈懿恭順贊天開聖皇太后於戲
至恩罔極鴻儀少展于孝思大德難名顯號但
從于節惠庶廣普天之譽用爲永世之辭播告
華夷俾咸知悉

隆慶元年正月二十七日



